



## **Facilis Et Succincta S.S. Canonum Doctrina**

**Pirhing, Ehrenreich**

**Dilingæ, 1690**

Sectio VI. De modo, quo fieri debet, vel potest renuntiationes  
beneficiorum puras, seu simplices, aut conditionales?

---

[urn:nbn:de:hbz:466:1-61641](#)

cessus, prohibens sess. 25. c. 7. de reformat.

## SECTIO VI.

*De modo, quo fieri debet,  
vel potest renuntiatio bene-  
ficiorum.*

## §. I.

*Quae requirantur ad legitimam  
renuntiationem beneficij faciendam?*

1. R equiritur, ut renuntiatio talis sit spontanea, & libera, non vi aut gravi metu extorta, aut dolo obtenta, quæ vel ipso jure irrita est (in casu scil. absolutæ violentiæ illatæ), vel per sententiam Judicis rescindenda est (in casu scil. quo gravi metu, aut dolo extorta est) prout sumnitur ex c. super hoc s. b. t. & exc. accepta 3. de restit. spoliat.
2. Debet esse pura, nullâ scil. interveniente Simoniâ c. cum pridem 4. & c. ult. de paet. c. ex parte 12. juncta Glos. V. omnino de offi. Jud. deleg. ita ut ipso jure irrita sit, si Simonia intervenierit, ut constat ex extravag. 2. §. per electiones de Simonia, inter communes, etiam si juramento firmata sit. 3. Si beneficium patronatum resignetur, aut quod ad alterius collationem pertineat, requiritur hujus consensus, non quidem quod ordinarium, qui putat ob utilitatem, aut necessitatem Ecclesie, renuntiationem hanc admittendam, urgere possit, ut non admittat, sed ut ab illis approbetur, quos talis renuntiatio tangit: & hinc putant aliqui sufficere, etiam si post admissam resignationem hæc illis significetur, ut notint alium sibi presentandum,

vel alii beneficium tale conferendum. 4. Ut fiat specificè, & expressis verbis, si sit expressa renuntiatio (cum in dubio nemo placendum sit beneficia resignare, magnis expensis & laboribus fortassis quæsita, & unde sustentari debet) & quidem juxta stylum, tam in quam extra Romanam curiam fieri debet in scriptis (quamvis necessariò, & de jure communī hoc non requiratur) ad meliorem scil. renuntiationis probacionem, supplicando illi, cuius est admittere resignationem, ut hanc admittere velit, ob causas in talibet supplici expressas. 5. Denique requiritur, ut praestiter consensus à resignante, vel personaliter per ipsum resignantem, vel per Procuratores eorum in Cancelleria vel Camera Apostolica, si renuntiatio coram Papa fiat, ut certior notitia habeatur de voluntate resignantis.

## §. II.

*De renuntiationibus quibusdam  
beneficiorum in specie, an sint Simo-  
niaca, necne?*

C ertum est, quod Simoniam contra ius naturale, & divinum committat, qui beneficium suum resignat pro pecunia, aut aliâ temporali re, ex pacto vicissim accepta, prout sumitur ex c. cum pridem 4. de paet. cum sit clara venditio rei spiritualis pro temporali: quod si verò res spiritualis pro resignatione beneficij ex pacto accipiatur, non quidem juris divini Simonia committitur, sed juris positivi Ecclesiastici, hujusmodi pactiones omnes, tanquam Simoniacas, prohibent c. ult. de paet.: neque tamen Simoniaca resignatione est, in favorem alterius

terius coram Papâ resignare (cùm in tali casu nec de tempore pro spirituali, nec pactio aliqua illicita interveniat) neq; Simoniacâ resignatio est, resignare beneficium, cùm reservatione pensionis certa, si coram eo fiat, qui potest beneficium imponere pensionem, cùm nec in isto casu, pactio interveniat, cogens illum, qui admittit renuntiationem, ut pensionem imponat, sed supplicet tantum resignans pro pensione sibi reservandâ, quâ alter in gratiam resignantis liberè imponere potest, vel resignationem non admittere; vel si pactio aliqua interveniat inter eum, qui resignat, & inter eum, cui resignatur, illa tantum sit sub conditione Papæ approbatâ. Quod si tamen resignans in favorem tertii abfolutè cum eo pacifetur, ut expensas & sumptus in acquirendo beneficio, aut hujus possessione &c. factos, sibi restituat, ex probabilitate sententia Simoniacâ resignatio est, cùm omne pactum in rebus spiritualibus de onere temporali à jure Canonico reprobetur: quo modo etiam illicita & Simoniacâ est illa transactio, quâ partes litigantes propriâ autoritate inter se convenient, ut una pars lite, & jure beneficij cedat, altera vero temporale quid det, expensas v. g. factas restituat c. cùm pridem 4. de part.

## §. III.

*An, & quo pacto contra repetenter beneficium, spontanea renuntiationis exceptio opponi posse?*

**R**epetenti beneficium, sive jus proprietatis in beneficio, obstat spontanea renuntiationis exceptio, & admissus debet, etiamsi nulla causa facta

renuntiationis fuerit expressa, modò probari possit à reo exceptio: & hinc quamvis actor sua petitionis causam exprimere debeat, & proponere in judicio c. 2. *de libel. oblat.* reus tamen causam sua exceptionis exprimere ordinariè non tenetur, cùm sint favorabiliores partes rei, quam actoris, & hic ad obligandum alterum agat, ille ad se liberandum. Si tamen beneficiatus actor ad recuperandam possessionem, quâ spoliatus fuit, agat, & probare velit spoliationem, non potest illi facta renuntiationis exceptio objici, nisi prius restitutus sit, cùm spoliatus ante omnia sit restituendus.

## §. IV.

*De renuntiatione beneficiorum, qua sit per Procuratorem.*

**P**otest quidem renuntiare aliquis beneficio suo, non tantum per se ipsum, sed etiam per Procuratorem (quod enim quis potest per se ipsum, id ipsum potest etiam per alium, nisi jure prohibatur) & quidem non tantum per Procuratorem Clericum, sed etiam per Laicum (cùm etiam Laici possint tractare res spirituales, si nudum ministerium, sive mera executio illis committatur) sive unus, sive plures Procuratores ad resignandum constituti sint, & vel quilibet in solidum (quo in casu datur locus præventioni in resignando) sive, ut omnes jure renuntient &c. Plura tamen adhuc alia requiruntur, ut legitima sit constitutio Procuratoris ad resignandum deputati: & i. quidem non sufficit mandatum generale, quamvis cum libera & amplissima potestate datum sit, sed debet intervenire ad molitas fraudes

fraudes cavendas, mandatum speciale, ad renuntiandum, in quo exprimatur nomen beneficii, & locus, ubi situm est beneficium, nomen proprium, & cognomen Procuratoris, & quod ei data sit potestas resignandi beneficium non minatum, loco, & vice principalis constituentis. 2. Requiritur, ut mandatum procuratorium sit in scripturam sive instrumentum publicum redactum, & obsignatum Sigillo publico Judicis ordinarij, vel communis, & postea recognitum, ac ab ipso Tabellione seu Notario subscriptum. 3. Requiritur, ut instrumentum tale non sit cancellatum, seu rasum, & deletum, saltem in loco principali. 4. Denique requiritur, ut constitutio Procuratoris facta fuerit sponte, & liberè, prout habetur in Clement. unica b. t. extra curiam tamen renuntiatio etiam fieri potest, per mandatum in litteris privatis datum, ita tamen, ut fiat coram legitimo Superiori, & forma mandati obseretur; nisi hæc in melius Principalis resignantis emolumen mutetur, ubi non tam forma mandati, quam utilitas Principalis resignantis observatur.

Pater autem etiam ex relata Clement. unio. b. t. quod revocari possit à Principali, qui Procuratorem constituit, constitutus hic Procurator, ante factam renuntiationem (cum in omni casu, readhuc integrâ, mandatum revocari possit s. recte Inquit. demandat.) ita tamen, ut hæc revocatio suam utilitatem non habeat, nisi postquam ad Procuratoris notitiam, per intimationem ipsi factam, vel ad Superioris, coram quo renuntiatio facienda esset, pervenit, aut malicio-

sè, quo minus ad illius notitiam pervenerit, impedita fuerit (tum, ut ne malitia aliiquid tribuatur; tum, ut multæ deceptions impediantur) ita ut, quamvis per literas privatas, ne ulterius in negotio procedat, non revocetur Procurator hic constitutus ad resignandum, suspendatur tamen ulterior processus, quamvis supplicatio pro resignatione admittenda portæta, jam signata fuisset, & à Datario recognita. Exspirat tamen etiam morte Mandantis, Procuratorum hoc ad resignandum datum mandatum, quamvis mors mandantis Procuratori nondum innoverit, juxta Gloß. communiter receptam, in relat. Clement. unic. V. quomodo libet (cum omnes obligationes, & vincula per mortem dissolvantur) nisi ante mortem resignantis supplicatio à Procuratore ad resignandum portæta, signata jam à Pontifice, & à Datario recognita fuisset, quo in causa etiam post mortem mandantis suum consensum in renuntiationem dare potest Procurator, uti ex const. Alexandri b. & Leonis g. colligitur. Quamvis enim Procurator nova incipere non possit post mortem Principalis, potest tamen excepta ante mortem illius postea perficere.

## §. V.

De publicandis resignationibus  
beneficiorum.

**A**D cavendas multis fraudes, & mala ta incommoda evitanda, voluntaria, praesertim Gregorii 13 constitutio, Humano vix iudicio: ut omnium beneficiorum resignationes publicentur, sive sint simplicia, sive curata, etiam juris Patronatus, & electiva, secularia, & regula-

ria, perpetua, & temporalia, sive manuaria (Exceptis beneficiis Consistorialibus, quae in Romana Curia in Consistorio conferuntur, uti sunt Archiepiscopatus, & Episcopatus &c. ubi celsat fraudis periculum) sive extra curiam sive in curia resignata sint, sive ex causis permutationis, sive cum reservatione pensionis &c. cum nimis universaliter loquatur constitutio. Debent autem publicari a quibusvis resignatariis, etiam exemptis, etiam officialibus Curie Romana, immo ab ipsis etiam Cardinalibus, si in eorum favorem beneficia aliqua resignantur, & quidem intra sex menses, si in Curia Romana resignatum sit beneficium, & hoc situm sit circa montes; si vero ultra montes situm sit, intra 9. menses a die supplicationis datae, & resignatae. Si vero extra Curiam coram Ordinariis locorum resignatio facta sit, intra tres menses a die, quo collatum beneficium resignatum fuit, computandos, quod intra mensem a tempore facta resignationis, sub pena privationis juris conferendi, a collatore incurreret, nisi intra mensem resignatum beneficium resignatario contulerit, & sub pena nulliter facta resignationis, si forma Gregoriana constitutionis in factis his resignationibus servata non fuit. Vix videtur tamen Bulla haec Gregoriana circa talia coram ordinariis locorum resignata beneficia in nostris partibus esse usu recepta, juxta quam debet hae publicatio extra Curiam fieri in Ecclesia Cathedrali, & Parochiali, ubi, vel intra cuius limites beneficium resignatum existit, quod non observatur.

Compend. Pirking.

## SECTIO VII.

### De effectibus renuntiationis.

#### §. I.

*Qui sunt effectus renuntiationis purae, ac simplicis?*

**P**rimus & praecipuus hujus renuntiationis effectus est, quod beneficium taliter legitimè resignatum vacet, & resignans taliter amittat omne jus in beneficio, etiam ad fructus, ac omnem possessionem, postquam talis renuntiatio a legitimo superiori admissa fuit (prout habetur in c. 3. & 5. b. 2. & c. 2. eod. in 6. ac natura renuntiationis purae & simplicis requiriit) sive per se, sive per legitimum Procuratorem taliter resignaverit; quod si vero jus in re nondum haberit resignans, sed tantum jus ad rem, hoc etiam per resignationem taliter factam amittit, prout sumitur ex c. in presentia 6. b. 2. Imo si tantum licentiam a superiori instanter petivit, cedendi suo beneficio, postmodum vero, hac licentiâ impetrata, resignare non vellet, cogi potest ad resignandum, si in petenda licentia prætendit, talem renuntiationem pro anima sua bono, pro Ecclesia commodo futuram, uti assertur in c. quidam 12. b. 2. ne videatur superiori tantum illudere voluisse, qui talem licentiam taliter petivit.

#### §. II.

*An renuntians redire possit ad beneficium resignatum, & an descendere a digniore beneficio ad minus dignum?*

O

Quod